



বার্ষিক প্রতিবেদন

২০২৩-২০২৪



উপজেলা সমবায় কার্যালয়, আক্কেলপুর, জয়পুরহাট



যুগ্ম-নিবন্ধক
বিভাগীয় সমবায় কার্যালয়, রাজশাহী

মুখবন্ধ

দারিদ্র-বিমোচন, মানব সম্পদ উন্নয়ন ও সামাজিক অগ্রগতিতে সমবায়ের ভূমিকা আজ বিশ্বব্যাপী স্বীকৃত। সমবায়ের মূল উদ্দেশ্য হচ্ছে শোষিত, বঞ্চিত ও পিছিয়ে পরা জন শ্রেণিকে শোষণ মুক্ত ও অগ্রসর করা। তারই প্রেক্ষিতে সাধারণ মানুষের দারিদ্র-বিমোচন, আর্থ-সামাজিক উন্নয়ন, কর্মসংস্থান সৃষ্টি ও নারীর ক্ষমতায়নে সমবায় সমিতিগুলো গুরুত্বপূর্ণ ভূমিকা পালন করে আসছে।

অর্থনৈতিক ও সামাজিক উন্নয়নে রাজশাহী বিভাগাধীন সমবায় সমিতি সমূহের অবদান তুলে ধরার লক্ষ্যে বার্ষিক প্রতিবেদন ২০২৩-২৪ প্রকাশিত হলো। প্রতিবেদনে সমবায় সমিতির সংখ্যা, সদস্য-সংখ্যা, শেয়ার মূলধন, সঞ্চয় আমানত, তহবিল, ঋণ, বিনিয়োগ ও কর্মসংস্থানের তথ্য সমবায় বিভাগ কর্তৃক গৃহীত বিভিন্ন কর্মকাণ্ডের চিত্র সুস্নিবেশিত হয়েছে।

বর্তমানে ৩৫ প্রকারের সমবায় সমিতি রয়েছে। ৩০ জুন, ২৪ তারিখ রাজশাহী বিভাগের মোট সমিতির সংখ্যা ১১৩০৬ টি (জাতীয় ১, কেন্দ্রীয় ১৬৮ ও প্রাথমিক ১১১৩৭) এবং ব্যক্তি সদস্য ৭,২৯,৬৯০ জন। এসব সমবায় সমিতির বেশীর ভাগই ক্ষুদ্র আয়ের জনগোষ্ঠীর চাহিদা অনুযায়ী আর্থিক সুবিধা প্রদান করে দারিদ্র-বিমোচন ও অর্থনৈতিক প্রবৃদ্ধি অর্জনে গুরুত্বপূর্ণ অবদান রাখছে এবং বিভিন্ন সময়ে এ বিভাগের বেশকিছু সমবায় সমিতি জাতীয় সমবায় পুরস্কার পেয়েছে।

জাতি গঠনমূলক প্রতিষ্ঠান হিসাবে সমবায় অধিদপ্তর ১৯০৪ সাল হতে গুরুত্বপূর্ণ ভূমিকা রাখছে। সমবায়ের মাধ্যমে সমাজে বিরাজমান বৈষম্য দূর করে একটি সমৃদ্ধ ও বৈষম্যহীন দেশ গড়া সম্ভব হবে বলে আমি দৃঢ়ভাবে বিশ্বাস করি।

প্রতিবেদনটি সমবায় বিভাগ, রাজশাহী এর গৃহীত, পরিচালিত ও সমাপ্ত কার্যক্রম সম্পর্কে সকলকে অবহিত রাখতে ইতিবাচক ভূমিকা পালন করবে বলে আমি মনে করি। প্রতিবেদন প্রণয়নে যেসক সহকর্মী বিভিন্নভাবে সহযোগিতা প্রদান করেছেন তাঁদের অশেষ ধন্যবাদ এবং কৃতজ্ঞতা জানাচ্ছি।

মোঃ মোখলেছুর রহমান



জেলা সমবায় কর্মকর্তা
জয়পুরহাট

বাণী

স্থানীয় সরকার পল্লী উন্নয়ন ও সমবায় মন্ত্রণালয়ের অধীন আক্কেলপুর উপজেলার ২০২৩-২০২৪ অর্থ বছরের বার্ষিক প্রতিবেদন প্রকাশিত হচ্ছে জেনে আমি আনন্দিত।

সমবায় বিভাগ গ্রামীণ দরিদ্র জনগোষ্ঠীর দরিদ্র বিমোচন, আর্থ-সামাজিক অবস্থার উন্নয়ন, কর্মসংস্থান সৃষ্টি, নারীর ক্ষমতায়ন ও দারিদ্র্য হ্রাসে সমবায় সমিতিগুলি গুরুত্বপূর্ণ ভূমিকা পালন করে আসছে। অর্থনীতির সকল খাতেই আজ সমবায় কর্মকান্ড পরিচালিত হচ্ছে। সমবায় বিভাগ ও সমবায় সমিতি সমূহ দেশের অর্থনৈতিক ও সামাজিক উন্নয়নে যে অবদান রাখছে তার একটি চিত্র তুলে ধরার জন্য উপজেলা সমবায় কার্যালয়, আক্কেলপুর, জয়পুরহাট কর্তৃক বার্ষিক প্রতিবেদন প্রকাশ করা হয়ে থাকে। তারই ধারাবাহিকতায় এ বছর বার্ষিক প্রতিবেদন ২০২৩-২০২৪ প্রকাশিত হল। প্রতিবেদনটিতে আক্কেলপুর, জয়পুরহাট উপজেলার সমবায় কার্যক্রমের পরিসংখ্যান হিসেবে সমবায় সমিতিগুলোর সংখ্যা, ব্যক্তি সদস্য, শেয়ার মূলধন, সঞ্চয় আমানত গঠিত অন্যান্য তহবিল গৃহীত ও দাদনকৃত ঋণ, আদায়কৃত ঋণ, বার্ষিক অডিট সম্পাদন, সরকারী রাজস্ব আদায়, লভ্যাংশ বিতরণ ইত্যাদির পাশাপাশি সমবায় অধিদপ্তর ও এর আওতাধীন প্রশিক্ষণ প্রতিষ্ঠানের মাধ্যমে সমবায়ীদের সক্ষমতা বৃদ্ধির লক্ষ্যে আয়োজিত প্রশিক্ষণ বিষয়ে বিস্তারিত পরিসংখ্যান তুলে ধারা হয়েছে। যাবতীয় তথ্যসহ আক্কেলপুর উপজেলার এবং অধিনস্ত প্রতিষ্ঠানসমূহের কর্মকান্ড এ প্রতিবেদনে সন্নিবেশিত হয়েছে।

গ্রামীণ অর্থনীতিকে সচল রাখতে অব্যাহতভাবে বিভিন্ন প্রকল্প বাস্তবায়নের মাধ্যমে দেশের পিছিয়ে পড়া জনগোষ্ঠীর জীবন মান উন্নয়নে কাজ করে যাচ্ছে এবং সক্রিয়ভাবে অবদান রেখে চলেছে। উৎপাদন, বিপণন ও সুস্বয়ং বন্টন ব্যবস্থা গড়ে তুলে আয় বৈষম্য দূরীকরণে ভূমিকা রেখে জাতীয় অর্থনীতিকে শক্তিশালীকরণেও দৃশ্যমান অবদান রাখতে পারে সমবায়। সমবায় গড়ে দেশ স্মার্ট হবে বাংলাদেশ শ্লোগানটি ধারণ করে দেশ আরও এগিয়ে যাবে বলে মনে করি।

প্রকাশিত প্রতিবেদনটি আক্কেলপুর, জয়পুরহাট উপজেলার কর্মকান্ড প্রচারে অবদান রাখবে এবং উপজেলার কর্মকান্ড সম্পর্কে জানতে আগ্রহী সংশ্লিষ্ট ব্যক্তিবর্গের নিকট সমাদৃত হবে বলে আমি বিশ্বাস করি। এ প্রতিবেদন প্রণয়নের জন্য তথ্য সংগ্রহ, প্রক্রিয়াকরণ ও সম্পাদনার সাথে সংশ্লিষ্ট সকলকে আন্তরিক অভিনন্দন ও ধন্যবাদ জানাই।

প্রতিবেদনটির মানোন্নয়নে সকলের পরামর্শ সাদরে গৃহীত হবে।

খন্দকার মনিরুল ইসলাম



উপজেলা সমবায় কর্মকর্তা
আক্কেলপুর, জয়পুরহাট

বাণী

সমবায় অধিদপ্তরের নিবন্ধিত সমবায় সমিতিসমূহ বাংলাদেশের আর্থ-সামাজিক অগ্রগতি অর্জনে দীর্ঘদিন যাবত প্রশংসনীয় ভূমিকা পালন করে আসছে। দরিদ্র জনগোষ্ঠীর ক্ষুদ্র ক্ষুদ্র সঞ্চয়কে একীভূত করে সমবায় আন্দোলন অর্থনৈতিক উন্নয়নে ভিত্তি স্থাপন করেছে। বাংলাদেশের অর্থনৈতিক অগ্রগতিকে ত্বরান্বিত করতে সমবায় আন্দোলনের বিকল্প নেই। সমবায় অধিদপ্তর ও সমবায় সমিতি সমূহ দেশের অর্থনৈতিক ও সামাজিক উন্নয়নে যে অবদান রাখছে তার একটি চিত্র তুলে ধরার জন্য প্রতিবছর সমবায় অধিদপ্তর কর্তৃক বার্ষিক প্রতিবেদন প্রকাশ করা হয়ে থাকে। তারই ধারাবাহিকতায় এ বছর বার্ষিক প্রতিবেদন ২০২৩-২০২৪ প্রকাশিত হল। প্রতিবেদনটিতে আক্কেলপুর উপজেলা ব্যাপী সমবায় কার্যক্রমের পরিসংখ্যান হিসেবে সমবায় সমিতিগুলোর সংখ্যা, ব্যক্তি সদস্য, শেয়ার মূলধন, সঞ্চয় আমানত গঠিত অন্যান্য তহবিল গৃহীত ও দাদনকৃত ঋণ, আদায়কৃত ঋণ, বার্ষিক অডিট সম্পাদন, সরকারী রাজস্ব আদায়, লভ্যাংশ বিতরণ ইত্যাদির পাশাপাশি সমবায় অধিদপ্তর ও এর আওতাধীন প্রশিক্ষণ প্রতিষ্ঠানের মাধ্যমে সমবায়ীদের সক্ষমতা বৃদ্ধির লক্ষ্যে আয়োজিত প্রশিক্ষণ বিষয়ে বিস্তারিত পরিসংখ্যান তুলে ধারা হয়েছে।

প্রকাশিত প্রতিবেদনটি অত্র উপজেলার কর্মকান্ড প্রচারে অবদান রাখবে এবং উপজেলার কর্মকান্ড সম্পর্কে জানতে আগ্রহী সংশ্লিষ্ট ব্যক্তিবর্গের নিকট সমাদৃত হবে বলে আমি বিশ্বাস করি।

বার্ষিক প্রতিবেদন প্রণয়নের জন্য তথ্য সংগ্রহ, প্রক্রিয়াকরণ ও সম্পাদনার সাথে সংশ্লিষ্ট সকলকে আন্তরিক অভিনন্দন ও ধন্যবাদ জানাই।

প্রতিবেদনটির মানোন্নয়নে সকলের পরামর্শ সাদরে গৃহিত হবে।

আবু হাশেম মো. মোকাররম হোসেন

সূচিপত্র

ভূমিকা

- ১ম অধ্যায় ১. উপজেলা সমবায় কার্যালয়, আক্কেলপুর, জয়পুরহাট
- ১.১ রূপকল্প
 - ১.২ অভিলক্ষ্য
 - ১.৩ কৌশলগত উদ্দেশ্যসমূহ
 - ১.৪ কার্যাবলী
 - ১.৫ লক্ষ্য এবং দায়িত্ব
 - ১.৬ সমবায় দিবস
 - ১.৭ সমবায় সমিতি সংক্রান্ত তথ্য
 - ১.৮ সমবায় প্রশিক্ষণ
 - ১.৯ প্রচার ও প্রকাশনা কার্যক্রম
 - ১.১০ উপজেলা সমবায় কার্যালয়ের বিভিন্ন পদের তালিকা
- ২য় অধ্যায় ২. সমবায় খাতের অগ্রগতি
- ২.১ প্রাথমিক সমিতির সংখ্যা
 - ২.২ প্রাথমিক সমিতির সদস্য সংখ্যা
 - ২.৩ শেয়ার মূলধন
 - ২.৪ সঞ্চয় আমানত
 - ২.৫ সংরক্ষিত ও নীটলাভ হতে গঠিত অন্যান্য তহবিল
 - ২.৬ কার্যকরী মূলধন
 - ২.৭ বিনিয়োগ
 - ২.৮ ঋণ বিতরণ
 - ২.৯ ঋণ আদায়
 - ২.১০ অডিট ফি আদায়
 - ২.১১ সমবায় উন্নয়ন তহবিল আদায়
- ৩য় অধ্যায় ৩. সাফল্যগাথা
- ৩.১ আরডা সঞ্চয় ও ঋণদান সমবায় সমিতি লি. এর সাফল্যগাথা

১ম অধ্যায়

উপজেলা সমবায় কার্যালয়, আক্কেলপুর, জয়পুরহাট।

১. উপজেলা সমবায় কার্যালয়, আক্কেলপুর এর রূপকল্প, অভিলক্ষ্য, কৌশলগত উদ্দেশ্যসমূহ এবং কার্যাবলী

১.১ রূপকল্প:

টেকসই সমবায়, টেকসই উন্নয়ন।

১.২ অভিলক্ষ্য:

সমবায়ীদের সক্ষমতা বৃদ্ধি এবং উদ্যোক্তা সৃষ্টির মাধ্যমে কৃষি, অকৃষি, আর্থিক ও সেবা খাতে টেকসই সমবায় গড়ে তোলা।

১.৩ কৌশলগত উদ্দেশ্যসমূহ:

১.৩.১ সমবায় অধিদপ্তরের কৌশলগত উদ্দেশ্যসমূহ:

১.৩.১.১ উৎপাদন, আর্থিক ও সেবাখাতে টেকসই সমবায় গঠন;

১.৩.১.২ দক্ষতা বৃদ্ধির মাধ্যমে সমবায়ের মানোন্নয়ন;

- ১.৩.১.৩ মানসম্পন্ন ও নিরাপদ সমবায় পণ্য উৎপাদন ও প্রসার;
- ১.৩.১.৪ দরিদ্র ও অনগ্রসর মহিলাদের সক্ষমতা বৃদ্ধি ও সম্পদের অধিকার অর্জনে কার্যক্রম গ্রহণ।

১.৩.২ আবশ্যিক কৌশলগত উদ্দেশ্য:

- ১.৩.২.১ দক্ষতার সঙ্গে বার্ষিক কর্মসম্পাদন চুক্তি বাস্তবায়ন;
- ১.৩.২.২ কার্যপদ্ধতি ও সেবার মানোন্নয়ন;
- ১.৩.২.৩ আর্থিক ব্যবস্থাপনার উন্নয়ন;
- ১.৩.২.৪ দক্ষতা ও নৈতিকতার উন্নয়ন;
- ১.৩.২.৫ তথ্য অধিকার ও স্বপ্রণোদিত তথ্য প্রকাশ বাস্তবায়ন;

১.৪ কার্যাবলী:

- ১.৪.১ সমবায়নীতিতে উদ্বুদ্ধকরণ ও নিবন্ধন প্রদান;
- ১.৪.২ সমবায় নিরীক্ষা, পরিদর্শন ও তদারকির মাধ্যমে সুশাসন প্রতিষ্ঠা করা;
- ১.৪.৩ উপজেলা সমবায় কার্যালয়, আক্কেলপুর, জয়পুরহাট-এ কর্মরত কর্মকর্তা/কর্মচারীদের প্রশিক্ষণ/উচ্চতর প্রশিক্ষণের সুযোগ সৃষ্টির মাধ্যমে পেশাগত মান বৃদ্ধি করা;
- ১.৪.৪ সমবায় সদস্যবৃন্দকে প্রায়োগিক প্রশিক্ষণের মাধ্যমে দক্ষতা বৃদ্ধি এবং মূলধন সৃষ্টি ও আত্ম-কর্মসম্পাদনের মাধ্যমে দারিদ্র্য হ্রাস করা;
- ১.৪.৫ সমবায় নেটওয়ার্কিং জোরদার করার লক্ষ্যে সমবায় মূল্যবোধের প্রচার, প্রকাশনা, সেমিনার ও কর্মশালার আয়োজন করা;
- ১.৪.৬ পুঁজি গঠন ও বিনিয়োগের মাধ্যমে মূলধন সৃষ্টি এবং সমবায় ভিত্তিক ব্যবসা প্রতিষ্ঠান গড়ে তোলা;
- ১.৪.৭ সমবায় ভিত্তিক প্রকল্প ও কর্মসূচির মাধ্যমে গ্রামীণ মহিলাদের ক্ষমতায়ন ও আর্থ-সামাজিক উন্নয়ন;
- ১.৪.৮ সমবায় পণ্য ব্র্যান্ডিং ও বাজার সংযোগ প্রতিষ্ঠা করা;
- ১.৪.৯ অভিলক্ষ্য অর্জনে প্রয়োজনীয় নীতিমালা, উন্নয়ন কর্মসূচী এবং উন্নয়ন প্রকল্প প্রণয়ন ও বাস্তবায়ন করা।

১.৫ উপজেলা সমবায় কার্যালয়, আক্কেলপুর, জয়পুরহাট-এর লক্ষ্য এবং দায়িত্ব:

- ১.৫.১ সমবায় আন্দোলনের প্রশাসনিক এবং ব্যবস্থাপনা বিষয়ক নীতিপ্রণয়ন করা;
- ১.৫.২ নীতিমালার আলোকে প্রণীত সমবায় সমিতি আইন এবং বিধিমালার ব্যবহারিক প্রয়োগ তত্ত্বাবধান করা;
- ১.৫.৩ সমবায় আন্দোলনকে বেগবান করার জন্য সরকার এবং অন্যান্য কর্তৃপক্ষকে করণীয় সম্পর্কে সুপারিশ বা প্রস্তাবনা প্রদান করা;
- ১.৫.৪ উপজেলা সমবায় কার্যালয়, আক্কেলপুর, জয়পুরহাট-এ কর্মরত কর্মকর্তা কর্মচারী এবং সমবায় সমিতির সদস্য, ব্যবস্থাপনা কমিটির সদস্য, বেতনভুক্ত কর্মচারীদেরকে বিভিন্ন পদ্ধতি ও প্রতিষ্ঠানের মাধ্যমে সমবায় নীতিমালা ও এর প্রায়োগিক বিষয়ে প্রাতিষ্ঠানিক প্রশিক্ষণ প্রদান করা;
- ১.৫.৫ সমবায় সমিতি আইন ও বিধিমালার যথাযথ বাস্তবায়ন নিশ্চিত করা সাপেক্ষে, মূলধন গঠন ও বিনিয়োগ, সঠিক ব্যবস্থাপনা, তহবিলের যথাযথ ব্যবহার করতঃ সমিতির

স্বাভাবিক এবং আইনগত কার্যক্রম ও অন্যান্য সংশ্লিষ্ট বিষয়াদি পরিচালনার জন্য সমবায় সমিতি সংগঠন, নিবন্ধন এবং অডিট করা;

- ১.৫.৬ যুগের চাহিদা মোতাবেক সমিতি পরিচালনার সুবিধার্থে সমবায় সমিতি আইন ও বিধিমালা সংশোধনের জন্য পরামর্শ প্রদান করা এবং নিবন্ধক ও মহাপরিচালক, সমবায় অধিদপ্তরের উপর অর্পিত বিধিবদ্ধ দায়িত্ব পালন এবং ক্ষমতা প্রয়োগ করা;
- ১.৫.৭ সমবায় সমিতির কার্যক্রম সম্পর্কে জরিপ, গবেষণা এবং কেস স্টাডি পরিচালনা করে ফলাফল এবং প্রতিবেদন প্রকাশ করা এবং সরকারের নিকট সুপারিশ পেশ করা;
- ১.৫.৮ সরকারের অনুমোদনক্রমে উন্নয়ন পরিকল্পনা প্রণয়ন ও তা বাস্তবায়ন করা;
- ১.৫.৯ সমবায়ের প্রচার, প্রকাশনা ও সম্প্রসারণমূলক কর্মকাণ্ড পরিচালনা করা; এবং
- ১.৫.১০ দাপ্তরিক প্রশাসন পরিচালনা।

১.৬ সমবায় দিবস:

১.৬.১ আন্তর্জাতিক সমবায় দিবসঃ জুলাই মাসের ১ম শনিবার

১.৬.২ জাতীয় সমবায় দিবসঃ নভেম্বর মাসের ১ম শনিবার

১.৭.১ সমবায় সমিতি সংক্রান্ত তথ্য:

১.৬.৩ সমিতির স্তর বিন্যাস: দেশের মোট সমবায় সমিতিসমূহ ৩টি স্তরে বিভক্ত-

- ১.৮.১ প্রাথমিক সমবায় সমিতি
১.৮.২ কেন্দ্রীয় সমবায় সমিতি
১.৮.৩ জাতীয় সমবায় সমিতি

অপরদিকে সমিতি গঠনের উদ্যোগ, অর্থায়ন ও সেবা প্রদানের দৃষ্টিকোণ থেকে সমবায় সমিতিসমূহকে দু'ভাগে ভাগ করা যায়

- ক. সাধারণ সমবায় সমিতি
খ. বিআরডিবি সমর্থনপুষ্ট সমবায় সমিতি

১.৭.২ সমিতির সংখ্যা:

শ্রেণী	সংখ্যা
কেন্দ্রীয়	০১
প্রাথমিক	৩১২
মোট	৩১৩

১.৭.২.১ ক্যাটাগরি ভিত্তিক সমবায় সমিতির সংখ্যা:

ক্রমিক নং	সমবায় সমিতির ক্যাটাগরি	সংখ্যা
০১	উপজেলা কেন্দ্রীয় সমবায় এসোসিয়েশন	১
০২	প্রাথমিক কৃষি ও কৃষক সমবায় সমিতি	৪
০৩	প্রাথমিক মৎসজীবী/মৎস্যচাষী সমবায় সমিতি	৪৫
০৪	প্রাথমিক ভূমিহীন সমবায় সমিতি	৭
০৫	প্রাথমিক মহিলা সমবায় সমিতি	৩১
০৬	প্রাথমিক কর্মচারী(পুলিশসহ)/চাকুরীজীবী সমবায় সমিতি	১
০৭	প্রাথমিক মুক্তিযোদ্ধা সমবায় সমিতি	১
০৮	প্রাথমিক যুব সমবায় সমিতি	১৩
০৯	প্রাথমিক সার্বিক/আদর্শ গ্রাম উন্নয়ন সমবায় সমিতি	৬
১০	প্রাথমিক দোকান মালিক/ব্যবসায়ী/মার্কেট সমবায় সমিতি	-

১১	প্রাথমিক সঞ্চয় ও ঋণদান সমবায় সমিতি	৬
১২	প্রাথমিক কো-অপারেটিভ ক্রেডিট ইউনিয়ন	১
১৩	প্রাথমিক বহুমুখী সমবায় সমিতি	২
১৪	প্রাথমিক ক্ষুদ্র ব্যবসায়ী সমবায় সমিতি	২১
১৫	কৃষক সমবায় সমিতি	৯৩
১৬	প্রাথমিক পানি ব্যবস্থাপনা সমবায় সমিতি	৩
১৭	সার্বিক গ্রাম উন্নয়ন	৬০
১৮	আশ্রয়ন	২
১৯	আশ্রয়ন (ফেইজ-২)	৩
২০	আশ্রয়ন-২	৫
২১	প্রাথমিক ইউনিয়ন বহুমুখী সমবায় সমিতি	৫
২২	প্রাথমিক সি আই জি সমবায় সমিতি	৩
মোট		৩১৩

১.৭.২.১ সমবায় সমিতির মৌলিক তথ্য

উপজেলার নাম	কেন্দ্রীয়	প্রাথমিক	মোট সমিতির সংখ্যা	সদস্য	কার্যকরী মূলধন	বিনিয়োগ	নিট লাভ	অডিট ফি	সিডিএফ	স্বকর্মসংস্থান/ উদ্যোক্তা সৃজন
আক্কেলপুর	০১	৩১২	৩১৩	১১,৪৮৫	১০৯.৯৫	১৯৫.১৪ (ঋণ)	১০.২২	১.০২	০.৫২	১৫৩২

১.৭.৩ মোট সম্পদ: সমবায় সমিতির ভৌত সম্পদ, বিনিয়োগকৃত আর্থিক সম্পদ, মজুদ তহবিল ইত্যাদির সমষ্টিই হচ্ছে মোট সম্পদ। জুন, ২০২৪ পর্যন্ত আক্কেলপুর উপজেলাধীন সমবায় সমিতির মোট সম্পদের পরিমাণ ২২.৬৪ লক্ষ টাকা।

১.৭.৪ কর্মসংস্থান: সমবায় সমিতির মাধ্যমে ২০২৩-২০২৪ অর্থবছরের ৩০ জুন পর্যন্ত আক্কেলপুর উপজেলায় সর্বমোট ১৫৩২ জন লোকের প্রত্যক্ষ ও পরোক্ষভাবে কর্মসংস্থানের ব্যবস্থা করা সম্ভব হয়েছে।

১.৭.৫ সমবায় সমিতির অডিট: সমবায় অধিদপ্তরের অন্যতম প্রধান কাজ হল নিবন্ধিত সমবায় সমিতির হিসাব ও কার্যক্রম অডিট করা হয়। এ অডিট কার্যক্রমের মাধ্যমে সমবায় সমিতির কার্যক্রমে স্বচ্ছতা ও জবাব দিহিতা নিশ্চিত করা সম্ভব হয়। ২০২৩-২৪ অর্থ বছরে সমবায় বিভাগ, আক্কেলপুর উপজেলা কর্তৃক সমিতি অডিট সম্পাদনের তথ্য নিম্নের ছকে দেখানো হলো।

সমিতির স্তর	অডিটযোগ্য সমিতির সংখ্যা	অডিটকৃত সমিতির সংখ্যা	অগ্রগতিরহার (%)
কেন্দ্রীয়	০১	০১	১০০%
প্রাথমিক	২১৯	২১৯	১০০%
মোট	২২০	২২০	১০০%

১.৮ সমবায় প্রশিক্ষণ

১.৮.১ প্রাতিষ্ঠানিক প্রশিক্ষণ:

সমবায় অধিদপ্তরের মুখ্য কাজ হচ্ছে জনগণকে উদ্বুদ্ধকরণ ও তৃণমূল জনগণকে সংগঠিত করে উন্নয়নের মূলশ্রোতে নিয়ে আসা। বিগত সময়ে বাংলাদেশ সমবায় একাডেমি, কোটবাড়ী কুমিল্লা ও আঞ্চলিক সমবায় প্রশিক্ষণ ইন্সটিটিউট নওগাঁর মাধ্যমে সমবায়ীদের জীবনমান উন্নয়নের জন্য বিভিন্ন ট্রেডে আয়বর্ধন মূলক (IGA) প্রশিক্ষণ প্রদান করা হয়েছে। এ সকল প্রতিষ্ঠানে ২০২২-২৩ অর্থ বছরে প্রশিক্ষণ অগ্রগতি নিম্নরূপ:

প্রতিষ্ঠানসমূহ	কোর্সের সংখ্যা	প্রশিক্ষার্থীর সংখ্যা
বাংলাদেশ সমবায় একাডেমি	৩	০৯
আঞ্চলিক সমবায় ইন্সটিটিউট	৭	১৪
মোট	১০	২৩

১.৮.২ ড্রাম্যমাণ প্রশিক্ষণ

সমবায় সমিতির কার্যক্রমে আইনানুগ নিয়ন্ত্রণ ও সমবায়ীদের উন্নয়নমূলক কর্মকাণ্ডে গতিবৃদ্ধির জন্য সমবায় প্রশিক্ষণের প্রয়োজনীয়তা অপরিসীম। এ লক্ষ্যে বাংলাদেশ সমবায় একাডেমি ও আঞ্চলিক সমবায় ইন্সটিটিউটের পাশাপাশি প্রতিটি জেলা সমবায় দপ্তরে ড্রাম্যমাণ প্রশিক্ষণ ইউনিট রয়েছে। উক্ত ড্রাম্যমাণ প্রশিক্ষণ ইউনিট কর্তৃক চহিদানুযায়ী তৃণমূল পর্যায়ে সমবায় ব্যবস্থাপনা, হাঁস-মুরগী ও গবাদী পশু-পালন, বৃক্ষরোপণ, স্যানিটেশন প্রভৃতি আয়বর্ধক ও আত্ম-কর্মসংস্থানমূলক বিষয়সহ জাতীয় কর্মসূচীর আওতাভুক্ত বিভিন্ন বিষয়ে প্রশিক্ষণ প্রদান করা হয়। ২০২৩-২৪ অর্থ বছরে ড্রাম্যমাণ প্রশিক্ষণ ইউনিট কর্তৃক প্রদত্ত প্রশিক্ষণের অগ্রগতিচিত্র নিম্নরূপ:

ড্রাম্যমাণ প্রশিক্ষণ ইউনিট কর্তৃক প্রদত্ত প্রশিক্ষণের অগ্রগতি

অর্জনেরখাতসমূহ	কোর্সের সংখ্যা	প্রশিক্ষার্থীর সংখ্যা
ড্রাম্যমাণ প্রশিক্ষণ	৪	১০০

১.৯ প্রচার ও প্রকাশনা কার্যক্রম

- ❖ সমবায়ের কার্যক্রম প্রচার;
- ❖ সমবায় পত্রিকা ও সাময়িকী প্রকাশ: মাসিক সমবায়, কো-অপারেশন, নিউজ লেটার;
- ❖ সমবায় অধিদপ্তরের অন্যান্য প্রকাশনা যেমন- বার্ষিক প্রতিবেদন, পরিসংখ্যান, বুকলেট পোস্টার ইত্যাদি;
- ❖ বিভিন্ন সেমিনার ও কর্মশালা আয়োজন;
- ❖ জাতীয় ও আন্তর্জাতিক সমবায় দিবস উদযাপন;
- ❖ জাতীয় সমবায় পুরস্কার সংক্রান্ত কার্যক্রম;
- ❖ রেডিও ও টেলিভিশন সহ অন্যান্য গণ মাধ্যমের সাথে যোগাযোগ ও প্রচার সংক্রান্ত কাজ;
- ❖ সমবায় সংক্রান্ত বিভিন্ন প্রদর্শনী যেমন- ডকুমেন্টারী প্রদর্শন, মেলা ইত্যাদির আয়োজন করা;
- ❖ গ্রন্থাগার ব্যবস্থাপনা, বইপত্র, সাময়িকী সংগ্রহ ও সংরক্ষণ;
- ❖ সমবায় কার্যক্রম এর প্রচার সংক্রান্ত ফটোগ্রাফিক কার্যক্রম;

১.১০ উপজেলা সমবায় কার্যালয়, আক্কেলপুর, জয়পুরহাট এর বিভিন্ন পদের তালিকাঃ

ক্রমিক নং	পদের নাম	শ্রেণী	অনুমোদিত জনবল	কর্মরত জনবল	শূণ্য পদের সংখ্যা
১	উপজেলা সমবায় কর্মকর্তা	২য়	১	১	-
২	সহকারী পরিদর্শক	৩য়	২	২	-
৩	অফিস সহকারী কাম কম্পিউটার অপারেটর	৩য়	১	১	-
৪	অফিস সহায়ক	৪র্থ	১	১	-

২য় অধ্যায়

সমবায় খাতের অগ্রগতি

বাংলাদেশে সমবায়ের কার্যক্রম শতবর্ষ অতিক্রম করেছে। এ সুদীর্ঘ পথ পরিক্রমায় বিশ্ব অর্থনীতির সকল জোয়ার ভাটা সমবায়ের উপর দিয়ে প্রবাহিত হয়েছে। পুঁজিবাদের প্রবল দাপটে মাঝে মধ্যে সমবায়ের অবস্থা নাজুক হলেও এর ফলপ্রসূ কার্যকারিতা তাকে টিকিয়ে রেখেছে আর্থ-সামাজিক উন্নয়নের সার্বজনীন উপযোগী মাধ্যম হিসেবে। নতুন শতাব্দীতে সমবায় নতুন ভাবধারায় উজ্জীবিত হয়েছে। ফলে বিভিন্ন মাপকাঠিতে এর ক্রম অগ্রসরতা দৃশ্যমান হয়। অর্থনীতির এ খাতের সাফল্য পরিসংখ্যান এর নিয়মে পরিমাপ করা দুঃসাধ্য বিষয়। তবে কিছু নিয়ামক রয়েছে যার মাধ্যমে এর সফলতা ও ব্যর্থতার একটি ধারণা পাওয়া যেতে পারে। এ দেশে প্রাথমিক সমবায় সমিতির কার্যক্রমই সমবায় আন্দোলনের মূল চালিকা শক্তি। নিম্নে আক্কেলপুর উপজেলাধীন এরূপ প্রাথমিক সমবায় সমিতির কিছু নিয়ামক চিত্র তুলে ধরা হল:

২.১ প্রাথমিক সমিতির সংখ্যা: নতুন সহস্রাব্দে সমবায়ের কিছু নতুন মাত্রা যুক্ত হওয়ায় এর জনপ্রিয়তা বৃদ্ধি পেয়েছে। ফলে নতুন সমবায় সমিতি নিবন্ধনের প্রক্রিয়াও অব্যাহত রয়েছে। প্রতি বছরেই উল্লেখযোগ্য সংখ্যক সমবায় সমিতি নিবন্ধিত হচ্ছে। সমবায় অধিদপ্তরের সরাসরি তত্ত্বাবধানে গঠিত সমবায় সমিতির পাশাপাশি অন্যান্য সরকারি ও বেসরকারি সংস্থার উদ্যোগেও বিভিন্ন ক্যাটাগরির সমবায় সমিতি নিবন্ধিত হয়ে থাকে। বিশেষ করে প্রাথমিক সমবায় সমিতি সংগঠনের ধারা অন্যান্য সময়ের তুলনায় বর্তমানে অনেক বেশী। ২০২৩-২০২৪ অর্থ বছরে আক্কেলপুর উপজেলায় প্রাথমিক সমিতির সংখ্যা দাঁড়িয়েছে ৩১৩ টি।

২.২ প্রাথমিক সমিতির সদস্য সংখ্যা: উন্নয়ন কার্যক্রমে জনগণের অংশীদারিত্ব উন্নয়নের অন্যতম নির্দেশক। সমবায় নিম্নবিভাগের সংগঠন হিসেবে আবির্ভূত হলেও বর্তমানে সকল শ্রেণির বিপুল সংখ্যক জনগোষ্ঠী সমবায়কে আর্থ সামাজিক উন্নতির একটি পরীক্ষিত কৌশল হিসেবে বেছে নিয়েছে। সমবায় শুধু অর্থনৈতিক উন্নয়নই নয় পাশাপাশি সামাজিক উন্নয়নেও বিশেষ অবদান রেখে থাকে। প্রতিবেদনাধীন বছরের জুন ২০২৪ পর্যন্ত আক্কেলপুর উপজেলায় সমবায় সমিতির ব্যক্তি সদস্য সংখ্যা দাঁড়িয়েছে ১১,৪৮৫ জন। বিগত ২০২২-২০২৩ অর্থ বছরের তুলনায় এ বছর সদস্য সংখ্যা বৃদ্ধি পেয়েছে।

২.৩ শেয়ার মূলধন: দরিদ্র জনগোষ্ঠীর ক্ষুদ্র পুঁজির সমন্বয় ঘটিয়ে বৃহৎ মূলধন তৈরী এবং উক্ত মূলধন বিনিয়োগ করে অর্থনৈতিক কর্মকাণ্ড বৃদ্ধি করাই হচ্ছে সমবায়ের লক্ষ্য অর্জনের মূল কৌশল। যার প্রধান উৎস হল সদস্যদের নিকট বিক্রিত শেয়ার। বিগত বছরের তুলনায় পরিশোধিত শেয়ার মূলধন বৃদ্ধি পেয়ে চলতি অর্থ বছরের জুন ২০২৪ পর্যন্ত এসে দাঁড়িয়েছে ৭০.৬৪ লক্ষ টাকা।

২.৪ সঞ্চয় আমানত: সমবায় সমিতির মূলধন গঠনে শেয়ারের পরে সঞ্চয়ের ভূমিকা উল্লেখযোগ্য। সদস্যরা নির্দিষ্ট হারে সমিতিতে সঞ্চয় জমা করে তা লাভজনক ব্যবসায় বিনিয়োগ করে থাকে। ২০২৩-২০২৪ অর্থ বছর শেষে সঞ্চয় আমানত এর পরিমাণ দাঁড়িয়েছে ৬৭.৮০ কোটি টাকা।

২.৫ সংরক্ষিত তহবিল ও নীটলাভ হতে গঠিত অন্যান্য তহবিল: সমবায় সমিতিগুলোর নীট লাভ থেকে নির্দিষ্ট হারে বিভাজনের মাধ্যমে উল্লেখযোগ্য পরিমাণ অর্থ সংরক্ষিত তহবিল ও অন্যান্য তহবিলে জমা হয়ে থাকে। এ তহবিলও সমিতির মূলধন হিসেবে গণ্য হয়। ২০২৩-২০২৪ অর্থবছরে আক্কেলপুর উপজেলাধীন প্রাথমিক সমবায় সমিতিগুলোর সংরক্ষিত তহবিল ও নীট লাভ হতে গঠিত অন্যান্য তহবিলের পরিমাণ দাঁড়িয়েছে ১০.২২ লক্ষ টাকা।

২.৬ কার্যকরী মূলধন: সমবায় সমিতির শেয়ার মূলধন, সঞ্চয় আমানত ও সংরক্ষিত তহবিল সমবায় সমিতির কার্যকরী মূলধনের উল্লেখযোগ্য অংশ গঠন করে থাকে। জুন, ২০২৪ নাগাদ আক্কেলপুর উপজেলাধীন প্রাথমিক সমবায় সমিতিসমূহের কার্যকরী মূলধনের পরিমাণ দাঁড়িয়েছে ১০৯.৯৫ লক্ষ টাকা। ২০২২-২০২৩ অর্থ বছরের তুলনায় এ বছর কার্যকরী মূলধনের পরিমাণ বৃদ্ধি পেয়েছে।

২.৭ **বিনিয়োগ:** ২০২৩-২০২৪ অর্থ বছরে আক্কেলপুর উপজেলাধীন প্রাথমিক সমবায় সমিতিগুলো বিভিন্ন আর্থিক কর্মকাণ্ডে প্রায় ১৯৫.১৪ কোটি টাকা বিনিয়োগ করেছে। ২০২২-২৩ অর্থ বছরের তুলনায় এ বছর বিনিয়োগ বৃদ্ধি পেয়েছে।

২.৮ **ঋণ বিতরণ:** ২০২৩-২০২৪ অর্থ বছরে আক্কেলপুর উপজেলাধীন প্রাথমিক সমবায় সমিতিগুলোর ঋণ বিতরণের পরিমাণ ৬৯.৫৬ কোটি টাকা। ২০২২-২৩ অর্থ বছরের তুলনায় ঋণ বিতরণ বৃদ্ধি পেয়েছে।

২.৯ **ঋণ আদায়:** ২০২৩-২০২৪ অর্থ বছরে আক্কেলপুর উপজেলাধীন প্রাথমিক সমবায় সমিতিগুলোর ঋণ আদায়ের পরিমাণ ৮২,৫৪ কোটি টাকা ২০২২-২৩ অর্থ বছরের তুলনায় ঋণ আদায় বৃদ্ধি পেয়েছে।

২.১০ **অডিট ফি আদায়:** আক্কেলপুর উপজেলা সমবায় বিভাগ সরকারি রাজস্ব (ননট্যাক্স) আয়েগুরুত্বপূর্ণ ভূমিকা পালন করে আসছে। সমবায় সমিতি নিবন্ধনের সময় নিবন্ধন ফি আদায় করা হয়। অপর দিকে সমিতির অডিট কার্যক্রম সম্পন্ন করার পর সমিতি হতে সমবায় সমিতি বিধিমালা ২০০৪ (সংশোধন ২০২০) এর ১০৭ বিধি অনুযায়ী নির্দিষ্ট হারে অডিট ফি আদায় করা হয়। ২০২৩-২০২৪ অর্থবছরে সমবায় বিভাগ, আক্কেলপুর উপজেলা কর্তৃক অডিট ফি হিসেবে ১ লক্ষ ২ হাজার টাকা রাজস্ব সরকারি কোষাগারে জমা হয়েছে।

২.১১ **সমবায় উন্নয়ন তহবিল (Coperative Development Fund) আদায়:** সমবায় সমিতি বিধিমালা-২০০৪ (সংশোধন ২০২০) এর ৮৪(২) বিধি অনুযায়ী প্রত্যেক সমবায় সমিতি প্রতি সমবায় বর্ষে নীট মুনাফা হতে ৩% অর্থ সমবায় উন্নয়ন তহবিলের অনুকূলে জমা করার মাধ্যমে উক্ত তহবিল গঠিত হয়। ২০২৩-২০২৪ অর্থবছরে সমবায় বিভাগ, আক্কেলপুর উপজেলা সমবায় বিভাগ কর্তৃক ৫২ হাজার টাকা সমবায় উন্নয়ন তহবিল (সিডিএফ) আদায় করা হয়েছে।

৩য় অধ্যায়

সাফল্যগাথা

“আরডা সঞ্চয় ও ঋণদান সমবায় সমিতি লি.”

এলাকার দারিদ্র ও বেকার যুবকদের আর্থিক নিরাপত্তা ও আর্থিক স্বচ্ছতা ফিরিয়ে আনার লক্ষে গঠন করা হয় আরডা সঞ্চয় ও ঋণদান সমবায় সমিতি লি। ইতোমধ্যেই এই সমিতি লাভজনক ও উন্নয়নমুখী একাধিক কর্মসূচী গ্রহণ করে তা কার্যকর বাস্তবায়নের মাধ্যমে সমিতির সদস্যদের উজ্জীবিত ও সমৃদ্ধ করেছে। সমিতি তার সকল কর্মকাণ্ডে স্বচ্ছতা ও জবাবদিহিতা নিশ্চিত করার চেতনায় বিশ্বাসী বলে প্রতিমাসে নিয়মিত মাসিক সভার মাধ্যমে বিভিন্ন টেকসই লাভজনক প্রকল্প গ্রহণ ও দক্ষতার সাথে বাস্তবায়নসহ সমিতির সার্বিক কার্যক্রম সুষ্ঠুভাবে পরিচালনা করে সফলতার দ্বারগোড়ায় পৌঁছে গেছে।

সাধারণ তথ্যাবলী

মূল নিবন্ধন নং- ৫০৮, তারিখ-০৭/০২/২০১৩ খ্রি.

সংশোধিত নং- ২৫; তারিখ- ১১/০৮/২০২২ খ্রি.

গ্রাম- রায়কালী, ডাকঘর- রায়কালী, উপজেলা- আক্কেলপুর, জয়পুরহাট।

অর্থনৈতিক অবস্থা

নিজস্ব মূলধন-	৯,৬৫,৩৮৭/-
ধারকৃত মূলধন-	১,৮১,১৩,০১৮/-
কার্যকরী মূলধন-	১,৯০,৭৮,৪০৫/-
শেয়ার মূলধন-	৭,১০,৩০০/-
সঞ্চয় আমানত-	১,১২,৩৫,৫১৮/-

সংরক্ষিত তহবিল-	১,৫২,৯৮৯/-
অন্যান্য তহবিল-	৫,০০,৫২৯/-
উন্নয়নে বিনিয়োগ-	১,৯২,৪৪,৫২৮/-.
অস্থাবর সম্পত্তির মূল্য-	১,৬৬,৬৩৭/-

উন্নয়ন কর্মকান্ড

ক্ষুদ্র ঋণ প্রকল্প
সঞ্চয় প্রকল্প
দারিদ্র বিমোচন প্রকল্প

সামাজিক কর্মকান্ড

স্বাস্থ্য সেবা
উন্নয়নমূলক কর্মকান্ডে সাহায্য প্রদান
মাদ্রাসা, মসজিদ, দুঃস্থদের অনুদান প্রদান
যৌতুক প্রতিরোধ ও বাল্য বিবাহ প্রতিরোধ
সামাজিক কুসংস্কার দূরীকরণ
মাদক প্রতিরোধ
কন্যাদায়গ্রস্থদের আর্থিক সাহায্য প্রদান।

কর্মসংস্থান সৃষ্টিতে অবদান

সমিতিতে সরাসরি কর্মসংস্থান- ০৮ জন, সমিতির মাধ্যমে স্ব-কর্মসংস্থান ৬৭৫ জন।

উল্লেখযোগ্য কর্মকান্ডের বিস্তারিত বিবরণ

সদস্য সংখ্যা-

২০১৩ খ্রিষ্টাব্দে সমিতিতে ২০ জন সদস্য নিয়ে সমিতিটির পথচলা শুরু হয়। বর্তমানে অর্থাৎ ৩০/০৬/২০২৩ খ্রি. তারিখে সমিতির সর্বমোট সদস্য সংখ্যা ৯৬৭ জন। তন্মধ্যে পুরুষ ৪৮৭ জন, মহিলা ৪৮০ জন। সকল সদস্যই সমিতি হতে আর্থিকভাবে উপকৃত হচ্ছেন। সমিতির সদস্যগণ নিয়মিত শেয়ার, সঞ্চয় এবং নিয়মিত কর্ত্ত পরিশোধ করছেন।

শেয়ার ও সঞ্চয় আমানত

সমিতির অনুমোদিত শেয়ার মূলধনের পরিমাণ ১,০০,০০,০০০/- টাকা। ৩০/০৬/২০২৩ খ্রি. তারিখে সমিতির আদায়কৃত শেয়ার মূলধন ৭,১০,৩০০/- টাকা এবং সমিতিতে সদস্যদের জমাকৃত সঞ্চয় আমানতের পরিমাণ ১,১২,৩৫,৫১৮/- টাকা। শেয়ার ও সঞ্চয় আদায়ের মাধ্যমে তাদের কার্যকরী মূলধন প্রতিবছর বৃদ্ধি পাচ্ছে।

সদস্যদের নিকট কর্ত্ত দাদন

সমিতির সদস্যদের নিকট স্বল্পসুদে আপদকালীন সময়ে কর্ত্তদাদন করা হয়ে থাকে। ২০২২-২০২৩ অর্থবছরে কর্ত্ত দাদন খাতে ২,০৬,৪০,০০০/- বিনিয়োগ করা হয় এবং ১,৭৯,৪৩,১৪৪/- টাকা কর্ত্ত আদায় করা হয়। ৩০/০৬/২০২৩ খ্রি. তারিখে সমিতির সদস্যদের নিকট কর্ত্তের আসল বাবদ ১,৬২,৫৬,৮৭৮/- টাকা বিনিয়োজিত রয়েছে। কর্ত্ত গ্রহণ করে সদস্যগণ আর্থিকভাবে লাভবান হচ্ছে।

বার্ষিক সাধারণ সভা প্রতি বছর নিরীক্ষা সম্পাদনের নির্ধারিত সময়ের মধ্যে সমিতির বার্ষিক সাধারণ সভা অনুষ্ঠান সম্পন্ন করা হয়ে থাকে। সর্বশেষ বার্ষিক সাধারণ সভা ১০/১১/২০২৩ খ্রি. তারিখে অনুষ্ঠিত হয়। বার্ষিক সাধারণ সভায় সমিতির ২৮৩ জন সদস্য উপস্থিত ছিলেন। বার্ষিক সাধারণ সভায় সমিতির বার্ষিক আয় ব্যয় হিসাব/বাজেটসহ লভ্যাংশ বিতরণ অনুমোদন করা হয়ে থাকে।

নীট লাভ

২০২২-২০২৩ নিরীক্ষা বর্ষে সমিতির নিট লাভ হয় ৫১৭৯৭/- টাকা।

নিরীক্ষা ফি ও সমবায় উন্নয়ন তহবিল পরিশোধ

২০২২-২০২৩ খ্রি. সনের নিরীক্ষা প্রতিবেদনে উল্লেখিত নিটলাভের উপর ধার্যকৃত সর্বোচ্চ নির্ধারিত নিরীক্ষা ফি ৫২০০/- টাকা এবং সমবায় উন্নয়ন তহবিল খাতে ১৫৫৪/- টাকা পরিশোধ করে জাতীয় উন্নয়নে অংশীদার হয়ে অবদান রাখছে।

সামাজিক কর্মকাণ্ডে অংশগ্রহণঅত্র সমবায় সমিতি সামাজিক বিভিন্ন কর্মকাণ্ডে অংশ গ্রহণ করে থাকে। বিশেষ করে করোনাকালীন সময়ে দুঃস্থ মানুষদের মাঝে শুকনো খাবারসহ নিত্য প্রয়োজনীয় দ্রব্য সামগ্রী বিতরণ করেছে। এরূপ দুর্যোগকালীন সময়ে দুঃস্থ মানুষের দিকে সেবার হাত বাড়িয়ে সাহায্য সহযোগিতা করে থাকে।

